



# PORTAVÓS

## VI GOVERN U KONSTITUSIONAL



KOMUNIKADU  
BA MEDIA

Díli, Loron 13 fulan-juñu tinan 2016

### Primeiru-Ministru avansa ho Ajenda Governu nian iha Bruxelas no Estadus Unidus

Xefe Governu sei partisipa iha sorumutuk balun ho desizor político no personalidade influente (ema ne'ebé iha kbiit atu bele fó nia hanoin ruma) sira iha Bruxelas, Washington no Novaorke, nia objetivu maka hodi hadi'a kooperasaun internasional no hodi apresenta pozisaun Governu nian kona-ba problema interese nacionál nian sira.

Primeiru-Ministru sei husik hela Díli hodi bá Bruxelas iha tersa, loron 14 fulan-juñu, hodi partisipa iha forum europeu ba problema dezenvolvimentu no kooperasaun internasional, no Jornadas Europeias ba Dezenvolvimentu nian. Sei hasoru-malu ho Prezidente Repúblika Sentru-Africana, Primeiru-Ministru Repúblika Federál Demokrática Etíopia no Ministru Dezenvolvimentu Internasional Suésia, hodi debate forma asisténsia ne'ebé eficiente. Nune'e mós sei halo diskursu ida, ne'ebé foka liubá iha área dezenvolvimentu Timor-Leste nian, no hodi esplika progresu ne'ebé maka hetan ona iha aplikasaun ba Objetivu Dezenvolvimentu Sustentavel sira Nasoins Unidas nian.

Iha marjen forum nian, sei hala'o sorumutuk bilaterál ho lider nacionál sira.

Primeiru-Ministru mós sei vizita Estadus Unidus Amérika, liuliu iha Washington DC no Novaorke, iha ne'ebé nia sei hala'o sorumutuk balum no partisipa iha forum sira hodi promove interese Timor-Leste nian sira.

Portavós, Ministru Estadu Agio Pereira, hateten katak "Governu promete fó apoiu hodi hadi'a kooperasaun internasional ba dezenvolvimentu no kontinua sai hanesan defensór ba implementasaun Objetivu Dezenvolvimentu Sustentavel nian. Aleinde ne'e, presiza konta ho apoiu internasional no rekoñesimento ba ita-nia esforsu hodi hetan delimitasaun ita-nia fronteira marítima sira. Tanba motivu tolu ne'e, viajen Primeiru-Ministru nian ne'e importante no akontese iha momentu estratéjiku ba interese nacionál sira".

Primeiru-Ministru fila-hikas mai Dili iha loron 2 fulan-juñu. **REMATA**



Agio Pereira  
+670 7723 0011  
[agio.pereira@cdm.gov.tl](mailto:agio.pereira@cdm.gov.tl)  
[govtlmedia@gmail.com](mailto:govtlmedia@gmail.com)  
[www.timor-leste.gov.tl](http://www.timor-leste.gov.tl)